

**EIENDOMSSKATTELOVEN MED DE ENDRINGER SOM
INNTAS I LOVEN 01.01.2019 –
NY LOVTEKST MED RØD SKRIFT**



Lov om eigedomsskatt til kommunane (eigedomsskattelova)

Dato	06.06.1975 nr. 29
Departement	Finansdepartementet
Sist endret	LOV-2015-12-18-110 fra 01.01.2018, LOV-2017-06-21-86
Publisert	ISBN 82-504-1255-9
Ikrafttredelse	
Rettsområde	Skatte- og avgiftsrett ► Eiendomsskatt
Kunnjort	
Kortittel	Eigedomsskattelova

1. kapitlet. - Kva lova gjeld.

§ 1. Eigedomsskatt til kommunane vert utskriven etter reglane i denne lova.

Med skatteår er i lova meint det almanakkåret (budsjettåret) som eigedomsskatten vert utskriven for.¹

Med eigedomsskattekontoret er meint det kontoret som har med å skriva ut skatten.²

1 Jf. lov 25 sep 1992 nr. 107 kap. 8.

2 Jf. kap. 5.

§ 2. Kommunestyret¹ avgjer om det skal skrivast ut eigedomsskatt i kommunen.

1 Sjå lov 25 sep 1992 nr. 107 kap. 2.

§ 3.¹ Kommunestyret kan skriva ut eigedomsskatt på anten

- faste eigedomar² i heile kommunen,³ eller
- faste eigedomar i klårt avgrensa område som heilt eller delvis er utbygde på byvis eller der slik utbygging er i gang,⁴ eller
- berre på **kraftverk, vindkraftverk, kraftnettet og anlegg omfatta av særskattereglane for petroleum**, eller
- berre på **næringseigedom, kraftverk, vindkraftverk, kraftnettet og anlegg omfatta av særskattereglane for petroleum**, eller
- eigedom både under bokstav b og c, eller

Vedlegg 3 til KSEs veileder om nye regler i eiendomsskatteloven fra januar 2019

- f) eigeendom både under bokstav b og d, eller
g) faste eigeodomar i heile kommunen, unntateke **næringseigeendom, kraftverk, vindkraftverk, kraftnettet og anlegg omfatta av særskattereglane for petroleum.**⁶

Til kommunen vert rekna sjøområde⁷ ut til grunnlinjene.⁸

0 Endra med lover 28 juni 1996 nr. 47, 16 juni 2006 nr. 25 (f o m skatteåret 2007), sjå dens III, 11 des 2009 nr. 117 (f o m skatteåret 2010), sjå dens III, 10 des 2010 nr. 61 (f o m skatteåret 2011), 9 des 2011 nr. 47 (f o m skatteåret 2012). Vert endra med lov 19 des 2017 nr. 118 (med virkning frå skatteåret 2019, sjå overgangsregel i lova).

1 Jf. § 12.

2 Jf. § 4 (2) og (3).

3 Jf. § 5 og § 7.

4 Jf. § 7.

5 Jf. § 4 (2) andre til fjerde punktum og (3) og § 12, e.

6 Jf. § 4 (2) femte punktum.

7 Jf. § 4 (3).

8 Jf. lov 27 juni 2003 nr. 57 § 1.

2. kapitlet. - Skattepliktige eigeodomar.

§ 4.¹ Eigeodomsskatt vert skriven ut på dei faste eigeodomane² ut frå tilhøva den 1. januar i skatteåret.³

Til faste eigeodomar vert rekna bygningar og tomt som høyrer til, huslause grunnstykke som hagar, lykkjer, vassfall, laste-, opplags- eller arbeidstomter, bryggjer og liknande og likeeins **næringseigeendom**. Til **næringseigeendom** vert m.a. rekna fabrikkar, sagbruk, industrielle verk, steinbrot, losse- og lasteplassar og liknande arbeids- og driftsstader samt kontorlokale, butikk, hotell og serveringsstad mv. **Produksjonsutstyr og –installasjonar skal ikkje reknast med i eigeodomsskattegrunnlaget for næringseigeendom. Til næringseigeendom vert ikkje rekna kraftverk, vindkraftverk, kraftnettet og anlegg omfatta av særskattereglane for petroleum.** For **vindkraftverk, kraftnettet og anlegg omfatta av særskattereglane for petroleum** skal arbeidsmaskinar og tilhøyrse og ting som kan setjast i klasse med slikt ikkje reknast med utan tingen er ein part av sjølve føretaket.⁵

Flytande anlegg i sjø⁶ for oppdrett av fisk, skjell, skalldyr og andre marine artar⁷ vert jamnstelt med **næringseigeendom og anlegg nemnde i andre leden fjerde punktum**, når anlegget har vore stasjonert i kommunen i over 6 månader i året før skatteåret. Eigeodomsskatt vert då skriven ut sjølv om anlegget ikkje var stasjonert i kommunen 1. januar i skatteåret. Verdsetjinga av anlegget skjer jamvel etter tilhøva denne datoen. Til slikt anlegg vert rekna dei fysiske installasjonane som merder, flytemodul, føringmaskin, føringsslager, opphaldsrom og sanitæranlegg og liknande, samt anker, lodd og liknande til forankring.

Merknad til endringene i § 4:

Selv om loven ikke lenger skiller mellom næringseiendom og verk og bruk, er lovteknikken med å gi eksempler på ulike typer eiendom (fast eiendom, næringseiendom og oppdrettsanlegg) beholdt. Alternativet ville vært å lage en legaldefinisjon. En god del eksempler på det som var verk og bruk er naturlig nok fjernet (gjelder *fiskevær, saltehus, lenser, utbygde vassfall og vassfallstykke, demningsverk, møllebruk, skipsvervar og gruver*). Det er likevel ingen tvil om at også dette er næringseiendommer etter loven.

0 Endra med lover 16 juni 2006 nr. 25 (f o m skatteåret 2007), 12 des 2008 nr. 90 (f o m skatteåret 2009), 10 des 2010 nr. 61 (f o m skatteåret 2011). Vert endra med lov 19 des 2017 nr. 118 (med virkning frå skatteåret 2019, sjå overgangsregel i lova).

Vedlegg 3 til KSEs veileder om nye regler i eiendomsskatteloven fra januar 2019

- 1 Jf. § 12.
- 2 Jf. § 5 og § 6.
- 3 Sjå § 1 (2).
- 4 Jf. § 12, e.
- 5 Jf. § 8A-2 (2).
- 6 Jf. § 3 (2).
- 7 Jf. lov 17 juni 2005 nr. 79.

Overgangsregel til eiendomsskattelova §§ 3 og 4¹:

Kommunar som i skatteåret 2018 skreiv ut eiendomsskatt på verk og bruk kan frå og med skatteåret 2019 til og med skatteåret 2024 i staden for eller i tillegg til utskriving etter § 3 skrive ut eiendomsskatt på eit særskilt fastsett grunnlag. Det særskilte grunnlaget skal baserast på differansen mellom eiendomsskattegrunnlaget i 2018 og 2019 som er forårsaka av at produksjonsutstyr og -installasjonar ikkje skal reknast med i grunnlaget. Dette særskilte grunnlaget skal i 2019 vere lik seks sjudelar av differansen, og reduserast med ein sjudel kvart påfølgjande år. Skattesatsen ved slik avtrappa utskriving kan ikkje vere høgare enn den som blei nytta for dei same eigedomane for skatteåret 2018.

Kommunar som ikkje skriv ut eiendomsskatt på næringseiendom etter § 3, men som i skatteåret 2018 skreiv ut eiendomsskatt på verk og bruk, kan i perioden nemnd i første ledd første punktum skrive ut eiendomsskatt på bygningar og grunnareal så langt desse var omfatta av eiendomsskattegrunnlaget for verk og bruk i skatteåret 2018.

§ 5. Fri for eiendomsskatt er:

- a) Eigedom som staten eig, så langt
 - eiendomen vert nytta av Kongen eller kongehuset, Stortinget eller Regjeringa
 - eiendomen vert nytta til kulturelle føremål, slik som idrettsanlegg, musé, teater, skulpturar m.v.
 - eiendomen har historisk bygg eller anlegg¹
 - eiendomen vert nytta av Forsvaret til forsvarsanlegg, avgrensa leirområde eller militært øvingsområde
 - eiendomen tilhøyrrer staten sine samferdselsforetak så langt dei tener ålmennyttige føremål²
 - eiendomen er vassfall, fabrikk eller anna føretak som staten eig og som tener ålmennyttige føremål³
- b) Eigedom som høyrer til jernvegar til ålmenn bruk, så langt og så lenge eiendomen vert nytta i verksemda.
- c) Kyrkjer.
- d) Eigedomar som kommunen sjølv eig.
- e) Legasjons- og konsulateigedomar som ein annan stat eig, når den andre staten frittek norsk eigedom for tilsvarende skatt hjå seg.
- f) Eigedom som statens lufthamnselskap eig, i same omfang som fritaket for statens eigedom etter bokstav a femte strekpunkt.
- g) Eigedom som helseforetak⁴ eig, i same omfang som fritaket for statens eigedom etter bokstav a sjettestrekpunkt.
- h) Eigedom som vert driven som gardsbruk eller skogbruk, herunder gartneri og planteskule tilknytta slik drift.
- i) Ikkje utbygde delar av Finnmarkseiendommen⁵ sin grunn i Finnmark fylke. Dette fritaket gjeld likevel

¹ Merknad: Det er foreslått presiseringer i denne overgangsregelen, jf. revidert nasjonalbudsjett for 2018. Presiseringene som forventes å bli vedtatt er inntatt her.

Formatert: Understreking, Skriftfarge: Grønn

Formatert: Skriftfarge: Grønn

Vedlegg 3 til KSEs veileder om nye regler i eiendomsskatteloven fra januar 2019

ikkje tomteareal, jamvel om arealet ikkje er utbygd enno.

- j) Område som er vedteke verna som nasjonalpark eller naturreservat i medhald av lov 19. juni 2009 nr. 100 om forvaltning av naturens mangfold (naturmangfoldloven). Fritaket gjeld også for område verna som nasjonalpark eller naturreservat etter den tidlegare lov 19. juni 1970 nr. 63 om naturvern. Fritaket gjeld ikkje bygning med tomt og tomteareal, jamvel om arealet ikkje er utbygd enno.
- k) Lavproduktiv grunneigedom som staten eig direkte eller indirekte, så langt den tener ålmennyttige føremål. Fritaket gjeld ikkje bygning med tomt og tomteareal, jamvel om arealet ikkje er utbygd enno.

Departementet kan gje nærare regler til utfylling og avgrensing av denne bestemmelsen.

0 Endra med lover 15 mai 1992 nr. 45, 13 des 2002 nr. 85 (ikr. 1 jan 2003 iflg. res. 13 des 2002 nr. 1498), 12 des 2003 nr. 103 (f o m eigedomsskatteåret 2004), 16 juni 2006 nr. 25 (f o m skatteåret 2007), 9 mai 2008 nr. 20 (f o m skatteåret 2007), 12 des 2008 nr. 90 (f o m skatteåret 2009), 7 des 2012 nr. 73 (f o m skatteåret 2013).

1 Jf. lov 9 juni 1978 nr. 50 § 22 a.

2 Sjå òg bokstav f.

3 Sjå òg bokstav g.

4 Jf. lov 15 juni 2001 nr. 93.

5 Jf. lov 17 juni 2005 nr. 85 kap. 2 og 3.

§ 6. (Oppheva med lov 15 mai 1992 nr. 45.)

§ 7. Kommunestyret kan fritaka desse eigedomane heilt eller delvis for eigedomsskatt:

- a) Eigedom åt stiftingar¹ eller institusjonar som tek sikte på å gagna ein kommune, eit fylke eller staten.
- b) Bygning som har historisk verdi.²
- c) Bygning som heilt eller i nokon mon vert nytta til husvære.³ Fritaket kan gjelda i opptil 20 år frå den tida bygningen vart ferdig. Formannskapet eller det utvalet som er nemnt i kommuneloven⁴ § 10, kan få fullmakt til å avgjera einskildsaker om skattefritak.
- d) Bygning og grunn i visse luter av kommunen.
- e) Fritidsbustader

0 Endra med lover 20 juni 2003 nr. 45 (ikr. 1 juli 2003 iflg. res. 20 juni 2003 nr. 712), 16 juni 2006 nr. 25 (f o m skatteåret 2007), 17 juni 2016 nr. 35 (ikr. 1 jan 2017).

1 Jf. lov 15 juni 2001 nr. 59.

2 Sml. lov 9 juni 1978 nr. 50.

3 Jf. § 11 annet ledd.

4 Lov 25 sep 1992 nr. 107.

3. kapitlet. - Skattegrunlaget.

§ 8. (Oppheva med lov 22 juni 2012 nr. 44 (f o m skatteåret 2013).)

§ 8 A. Allmenne føresegner

0 Føyd til med lov 15 des 2000 nr. 89 (f o m eigedomsskatteåret 2001), endra med lov 7 des 2012 nr. 73 (f o m skatteåret 2013).

§ 8 A-1. Verkeområdet

(1) Eigedomsskatten skal reknast ut etter verdet som eigedomen vert sett til etter reglane i §§ 8 A-2 til 8 A-4.¹

Vedlegg 3 til KSEs veileder om nye regler i eiendomsskatteloven fra januar 2019

(2) For anlegg for produksjon av elektrisk kraft skal eiendomsskatten reknast ut etter verdet som eigedomen vert sett til etter reglane i § 8 B flg.

(3) Første ledd gjeld ikkje bustader som vert verdsette etter reglane i § 8 C.

0 Føyd til med lov 22 juni 2012 nr. 44 (f o m skatteåret 2013), tidlegare § 8A-1 endra paragrafnummer til § 8B-2, endra med lov 7 des 2012 nr. 73 (f o m skatteåret 2014).

1 Jf. § 8 C-1.

§ 8 A-2. Verdet

(1) Verdet av eigedomen skal setjast til det beløp ein må gå ut frå at eigedomen etter si innretning, brukseigenskap og lokalisering kan bli avhenda for under vanlege salstilhøve ved fritt sal. **Verdet av nærings eigedom skal setjast til teknisk verdi når det ikkje er mogleg å fastsetje verdet etter regelen i første punktum.**

(2) **Verdet av vindkraftverk, kraftnett og anlegg omfatta av særskattereglane for petroleum skal setjast til teknisk verdi, eller avkastningsverdi når det gir best uttrykk for verdet.**

0 Føyd til med lov 22 juni 2012 nr. 44 (f o m skatteåret 2013), tidlegare § 8A-2 endra paragrafnummer til § 8B-3. Vert endra med lov 19 des 2017 nr. 118 (med virkning frå skatteåret 2019).

1 Sml. sktl. § 4-1.

2 Jf. § 4 (2) fjerde punktum.

§ 8 A-3. Verdsetjing¹

(1) Eigedomen skal verdsetjast ved takst.

(2)² Det skal vere ei allmenn taksering i kommunen kvart tiande år. Dersom det ligg føre særlege tilhøve, kan kommunestyret³ avgjere at ny taksering skal skje tidlegare eller seinare enn dette, men ikkje seinare enn tre år etter at siste allmenne taksering skulle ha skjedd. Kommunen dekkjer kostnadene ved taksering, og kommunestyret utnemner dei personane som skal stå for takseringa.

(3) Formannskapet⁴ eller skattytar⁵ kan krevje overtakst.

(4) Kommunestyret kan i staden for løysinga i andre ledd, utnemne ei sakkunnig nemnd som skal setje taksten på grunnlag av forslag frå tilsette synfaringsmenn.

(5) Omtaksering av ein eigedom skal skje dersom det i tida mellom dei allmenne takseringane, ligg føre ein av dei følgjande grunnane:

- a) eigedomen er delt,
- b) bygningar på eigedomen er rive eller øydelagt av brann eller liknande, eller
- d) det er ført opp nye bygningar eller gjort monalege forandringar på eigedomen.

(6) Dersom verdet til ein eigedom er vesentleg forandra i høve til andre eigedomar, kan formannskapet så vel som skattytar krevje særskild taksering i tida mellom dei allmenne takseringane. Skattytar som krev omtaksering etter dette og førre ledd, må sjølv dekkje kostnadene med takseringa. Krav om omtaksering må vere stilt innan 1. november i året før skatteåret.

0 Føyd til med lov 22 juni 2012 nr. 44 (f o m skatteåret 2013), tidlegare § 8A-3 endra paragrafnummer til § 8B-4.

1 Jf. § 31 (2).

2 Jf. § 8A-4 (2) andre punktum.

3 Jf. lov 25 sep 1992 nr. 107 § 7.

4 Jf. lov 25 sep 1992 nr. 107 § 8.

5 Sml. § 19.

§ 8 A-4. Kontorjustering

Vedlegg 3 til KSEs veileder om nye regler i eiendomsskatteloven fra januar 2019

(1) I staden for ny allmenn taksering kan kommunestyret gjere vedtak om auke av det verdet (taksten) som eigedomen blei sett til ved den siste allmenne takseringa for utskriving av eigedomsskatt. Kommunestyret kan dessutan gjere vedtak om at det skal gjerast eit tilsvarande tillegg for dei eigedomane som er verdsett særskild¹ før eit tidspunkt som kommunestyret fastset.

(2) Auken kan skje stegvis over fleire år, men må ikkje vere meir enn 10 prosent av det opphavlege skattegrunnlaget for kvart år etter 10-årsfristen for den siste allmenne takseringa,² likevel slik at skatteåret 1983 vert rekna som første året for slikt tillegg. Fristreglane i § 8 A-3 andre ledd gjeld ikkje for kontorjustering.

0 Føyd til med lov 22 juni 2012 nr. 44 (f o m skatteåret 2013), tidlegare § 8A-4 endra paragrafnummer til § 8B-5.

1 Jf. § 8A-3 (6).

2 Jf. § 8 A-3 (2).

§ 8 B. Kraftanlegg

0 Føyd til med lov 22 juni 2012 nr. 44 (f o m skatteåret 2013).

§ 8 B-1. Skattegrunnlag for kraftanlegg

(1) Eigedomsskatt for anlegg for produksjon av elektrisk kraft skal reknast ut etter verdet (taksten) som anlegget vert sett til ved fastsetjinga av formues- og inntektsskatt året før skatteåret. **Driftsmiddel som er knytta til kraftproduksjonen og heilt eller delvis inngår i verdet etter første punktum, og uavhengig av om det er ein del av kraftanlegget etter skatteloven § 18-1, kan berre verdsetjast særskilt med den andel av driftsmiddelet som ikkje er knytt til kraftproduksjonen etter skatteloven § 18-5 fjerde leden. Dette gjeld likevel ikkje for driftsmiddel som ligg i ein annan kommune enn kraftanlegget.**

(2) Vert det med heimel i § 12, bokstav b nytta ulike skattøyrar for bygningar og grunn, skal det fastsetjast særskilde skattegrunnlag for bygningar og for grunn i samband med den fastsetjinga som er nemnt i første leden.²

(3) Er det klaga på verdsetjinga, eller er verdsetjinga under prøving for domstolane, skal eigedomsskatten likevel reknast ut etter det verdet som vart sett ved fastsetjinga av formues- og inntektsskatt. Når spørsmålet er endeleg avgjort, skal skatten rettast i samsvar med den siste avgjerda.

(4) Verdet (taksten) av anlegg som nemnt i skatteloven § 18-5 første leden skal ikkje setjast lågare enn kr 0,95/kWh eller høgare enn kr 2,74/kWh av 1/7 av grunnlaget for anlegget si samla produksjon av elektrisk kraft for inntektsåret og dei seks foregåande åra. Har kraftanlegget vore i drift i færre enn sju år, vert gjennomsnittet for desse åra lagt til grunn for utrekninga.

0 Føyd til med lov 22 juni 2012 nr. 44 (f o m skatteåret 2013), endra med lov 27 mai 2016 nr. 14 (ikr. 1 jan 2017 iflg. res. 27 mai 2016 nr. 531). Vert endra med lov 19 des 2017 nr. 118 (med virkning frå skatteåret 2019).

1 Jf. § 1 (2).

2 Jf. § 9 tredje punktum.

§ 8 B-2. Kommunefordeling av grunnlaget for eigedomsskatt for kraftanlegg sett i drift pr. 1. januar 2000

(1)¹ Kommunefordeling av grunnlaget for eigedomsskatt for kraftanlegg med kraftstasjon med installert effekt på eller over 1.000 kW sett i drift pr. 1. januar 1997, skal byggje på plasseringa pr. 1. januar 2000 av slike særskilte driftsmiddel i kraftanlegget som nemnt i § 1-1 andre leden i forskrift av 20. januar 1997 nr. 79 om fastsettelse av skattemessige inngangsverdier pr. 1. januar 1997 for særskilte driftsmidler i kraftforetak og det fastsette gjenanskaffingsverdet (GAV)² for slike driftsmiddel etter reglane i kapittel 2 i same forskrift. Kommunefordelinga av skattegrunnlaget skal skje i same høve som GAV for dei særskilte driftsmiddel i kraftanlegget som ligg i den einskilde kommune, har til samla GAV for alle særskilte driftsmiddel i kraftanlegget. Fordelinga av GAV på dei særskilte driftsmiddel som ligg i kvar kommune, skal byggje på oppgåver frå Norges vassdrags- og energidirektorat og retningsliner fastsett av departementet. GAV for

Vedlegg 3 til KSEs veileder om nye regler i eiendomsskatteloven fra januar 2019

adkomstanlegg skal ikkje medrekast. GAV for reguleringsanlegg med tilhøyrande driftsmiddel skal fordelast mellom alle kraftanlegg som har kraftstasjonar med installert effekt på eller over 1.000 kW som ligg nedanfor reguleringsanlegget, i høve til registrerte energiekvivalenter registrert hos Norges vassdrags- og energidirektorat for desse kraftstasjonane pr. 1. januar 2000.

(2) Kostpris for investeringar i særskilte driftsmiddel i kraftanlegg som nemnt i første leden og som vart ført i skatterekneskapet første gong for inntektsåret 1997 eller seinare år, skal nyttast som grunnlag for korrigering av den kommunefordeling av skattegrunnlaget som vert fastsett etter første leden. Slik korrigering vert første gong gjennomført med verknad for eigedomsskatteåret 2005.

(3) Ved kommunefordeling av eigedomsskattegrunnlaget for kraftanlegg med kraftstasjonar med installert effekt på eller over 1.000 kW sett i drift etter 1. januar 1997, med tilhøyrande særskilte driftsmiddel som ikkje vart omfatta av GAV fastsett pr. 1. januar 1997, vert gjenanskaffingsverdet for slike driftsmiddel pr. 1. januar 2000 fastsett av Norges vassdrags- og energidirektorat. Ved fastsetjing av gjenanskaffingsverdet for slike driftsmiddel gjeld reglane i forskrift av 20. januar 1997 nr. 79 om fastsettelse av skattemessige inngangsverdier pr. 1. januar 1997 for særskilte driftsmidler i kraftforetak, tilsvarende. Reglane i første leden gjeld tilsvarende.

(4) Ved kommunefordeling av eigedomsskattegrunnlaget for kraftanlegg med kraftstasjonar med installert effekt under 1.000 kW sett i drift pr. 1. januar 2000, gjeld reglane i § 8 B-3 første leden første og andre punktum tilsvarende.

(5) Ved kommunefordeling av eigedomsskattegrunnlaget for kraftanlegg som nemnt i tredje og fjerde leden, gjeld korrigeringsregelen i andre leden tilsvarende for investeringar som vart ført i skatterekneskapet første gong for inntektsåret 2000 eller seinare år.

(6) Som GAV etter denne paragraf skal reknast dei verdiar som vart fastsett av NVE og rapportert i 1997 og i 2001 etter § 2-3 i forskrift av 20. januar 1997 nr. 79 om fastsettelse av skattemessige inngangsverdier pr. 1. januar 1997 for særskilte driftsmidler i kraftforetak, jf. § 2 nr. 2 i forskrift av 20. desember 2000 nr. 1343 om kommunefordeling av grunnlaget for eigedomsskatt for kraftanlegg.

0 Føyd til med lov 15 des 2000 nr. 89 (f o m eigedomsskatteåret 2001), endra med lover 15 juni 2001 nr. 46 (f o m eigedomsskatteåret 2001), 21 des 2001 nr. 104 (f o m eigedomsskatteåret 2001), 20 des 2002 nr. 95, 12 des 2003 nr. 103, 22 juni 2012 nr. 44 som endra med lov 7 des 2012 nr. 79 (f o m skatteåret 2013), endra paragrafnummer frå § 8A-1.

1 Jf. § 8 A-2.

2 Sjå sjetted ledd.

§ 8 B-3. Kommunefordeling av grunnlaget for eigedomsskatt for kraftanlegg sett i drift etter 1. januar 2000

(1) Kommunefordeling av grunnlaget for eigedomsskatt for kraftanlegg sett i drift etter 1. januar 2000, skal byggje på plasseringa av slike særskilte driftsmiddel i kraftanlegget som nemnt i § 8 B-2 første leden pr. 1. januar i skattefastsetjingsåret. Kommunefordelinga av skattegrunnlaget skal skje i same høve som kostpris for dei særskilte driftsmiddel i kraftanlegget som ligg i den einsskilte kommune, har til samla kostpris for alle særskilte driftsmiddel i kraftanlegget. Har slike kraftanlegg kraftstasjonar med installert effekt over 1.000 kW som ligg nedanfor eldre reguleringsanlegg, skal det takast omsyn til reguleringsanlegget med tilhøyrande driftsmiddel med dei verdiar som nemnt i § 8 B-2 første og andre leden.

(2) Kostpris for investeringar i særskilte driftsmiddel som nemnt i § 8 B-2 første leden i seinare inntektsår enn det året då kraftanlegget vart sett i drift, skal nyttast som grunnlag for korrigering av den kommunefordeling som vert fastsett etter første leden.

(3) Reglane i første leden gjeld tilsvarende for fordeling av eigedomsskattegrunnlag fastsett etter skatteloven¹ § 18-5 sjetted leden.

0 Føyd til med lov 15 des 2000 nr. 89 (f o m eigedomsskatteåret 2001), endra med lov 22 juni 2012 nr. 44 som endra med lov 7 des 2012 nr. 79 (f o m skatteåret 2013), endra paragrafnummer frå § 8A-2, 27 mai 2016 nr. 14 (ikr. 1 jan 2017 iflg. res. 27 mai 2016 nr. 531).

1 Lov 26 mars 1999 nr. 14.

Vedlegg 3 til KSEs veileder om nye regler i eiendomsskatteloven fra januar 2019

§ 8 B-4. Kommunefordeling av grunnlaget for eiendomsskatt som verdsetjingsreglar ved utskriving av eiendomsskatt

Kommunar som får tildelt ein andel av eiendomsskattegrunnlag for kraftanlegg etter reglane i §§ 8 B-2 og 8 B-3 skal leggje denne andel til grunn ved utskriving av eiendomsskatt på kraftanlegget.

0 Føyd til med lov 15 des 2000 nr. 89 (f o m eiendomsskatteåret 2001), endra med lov 22 juni 2012 nr. 44 som endra med lov 7 des 2012 nr. 79 (f o m skatteåret 2013), endra paragrafnnummer frå § 8A-2.

§ 8 B-5. Gjennomføringsreglar

Reglane i skatteforvaltningsloven¹ gjeld tilsvarande så langt dei passer ved fastsetjing av kommunefordeling av eiendomsskattegrunnlag etter reglane i denne lova. Nærmare reglar om utfylling og gjennomføring av denne paragraf vert fastsett av departementet i forskrift.

0 Føyd til med lov 15 des 2000 nr. 89 (f o m eiendomsskatteåret 2001), endra med lov 22 juni 2012 nr. 44 (f o m skatteåret 2013), endra paragrafnnummer frå § 8A-4, endra med lov 27 mai 2016 nr. 14 (ikr. 1 jan 2017 iflg. res. 27 mai 2016 nr. 531).

1 Lov 27 mai 2016 nr. 14.

§ 8 C. Alternativ verdsetjing av bustader

0 Føyd til med lov 7 des 2012 nr. 73 (f o m skatteåret 2014).

§ 8 C-1. Verdsetjing av bustader ved bruk av formuesgrunnlag

(1) Kommunestyret avgjer om eiendomsskatten for bustader skal byggje på verdet (taksten) som vert sett på eigedomen ved fastsetjinga av formues- og inntektsskatt året før skatteåret.¹ Skattegrunnlaget for slike bustader skal reknast ut etter reglane i denne paragraf.

(2) Skattegrunnlaget for bustader vert sett til verdet (taksten) etter skatteloven² § 4-10 andre ledd multiplisert med 0,8. Prosentdelen som nemnd i skatteloven § 4-10 andre ledd tredje punktum, skal likevel vere 100 for primærbustad og sekundærbustad.

(3) Er verdet (taksten) for bustader sett ned ved fastsetjinga etter skatteloven² § 4-10 første ledd andre eller tredje punktum, utgjer skattegrunnlaget det justerte verdet multiplisert med 2,67 for primærbustad og 0,83 for sekundærbustad.

(4) Skattegrunnlaget som nemnd i andre og tredje ledd skal setjast ned med reduksjonsfaktoren som er nytta ved taksering etter § 8 A-3, jf. § 8 A-2.

(5) Nærare reglar om utfylling og gjennomføring av denne paragrafen vert fastsett av departementet i forskrift.

0 Føyd til med lov 7 des 2012 nr. 73 (f o m skatteåret 2014), endra med lover 7 des 2012 nr. 73 (f o m skatteåret 2015), 13 des 2013 nr. 111 (f o m skatteåret 2016), 19 des 2014 nr. 75 (med vernad frå skatteåret 2017), 18 des 2015 nr. 110 (med verknad frå skatteåret 2017), 27 mai 2016 nr. 14 (ikr. 1 jan 2017 iflg. res. 27 mai 2016 nr. 531), 21 juni 2017 nr. 86 (med verknad frå skatteåret 2017), 18 des 2015 nr. 110 (ikr. 1 jan 2018 med verknad frå skatteåret 2018), som endra med lov 21 juni 2017 nr. 85. Vert endra med lov 21 juni 2017 nr. 76 (med verknad frå skatteåret 2019).

1 Jf. § 1 (2).

2 Lov 26 mars 1999 nr. 14.

§ 9. Vert ein eigedom riven eller øydelagd før 1 januar i skatteåret,¹ skal det gjevast eit førebels frådrag i skatten etter skjøn. Seinare vert eigedomsskatten utrekna etter det verdet som eigedomen vert sett i ved fastsetjinga av formues- og inntektsskatt i skatteåret. Føresegnene i § 8 B-1, andre leden, gjeld på tilsvarande måte.

0 Ikr. 1 jan 2001 med verknad for anlegg for produksjon av elektrisk kraft iflg. res. 17 juli 1998 nr. 613 med endringar 16 okt 1998 nr. 955, 1 des 2000 nr. 1195, 30 nov 2001 nr. 1320 og 27 juni 2003 nr. 799. Sjå § 33. Endra med lover 7 des 2012 nr. 73 (f o m skatteåret 2013), 27 mai 2016 nr. 14 (ikr. 1 jan 2017 iflg. res. 27 mai 2016 nr. 531).

Vedlegg 3 til KSEs veileder om nye regler i eiendomsskatteloven fra januar 2019

1 Sjå § 1 (2).

4. kapitlet. - Skattesatser.

§ 10. Kommunestyret fastset kvart år i samband med budsjettet¹ kva satsar og reglar som skal nyttast ved utskriving av eigedomsskatt for det komande skatteåret.²

1 Jf. lov 25 sep 1992 nr. 107 § 45.

2 Sjå § 1 (2).

§ 11.¹ Eigedomsskatten skal vera minst kr 2² og ikkje meir enn kr 7 for kvar kr 1.000 av takstverdet.²

Kommunestyret kan fastsetje botnfrådrag³ i eigedomsskatten for alle sjølvstendige bustaddelar i faste eigedomar som ikkje vert nytta i næringsverksemd.

0 Endra med lover 5 feb 1993 nr. 28, 16 juni 2006 nr. 25 (f o m skatteåret 2007).

1 Jf. § 12, § 13 og § 30.

2 Jf. § 8A-2.

3 Jf. § 13 (1) fjerde og femte punktum.

§ 12. Kommunestyret kan fastsetja ulike skattøyre for:

- a) Bustaddelen i eigedomar med sjølvstendige bustaddelar.¹
- b) Grunneigedomar som det står hus på, og huslause grunneigedomar.²
- c) Bygningar og grunn.
- d) Avgrensa område som nemnde i § 3.
- e) **Opphevet.**

0 Endra med lov 5 feb 1993 nr. 28. Vert endra med lov 19 des 2017 nr. 118 (med virkning frå skatteåret 2019).

1 Jf. § 13 (1) fjerde punktum.

2 Jf. § 13 (1) tredje punktum.

§ 13.¹ Første året det vert utskrive eigedomsskatt i ein kommune, må skatten ikkje vera større enn kr 1 av kvart kr 1.000 av takstverdet. Seinare kan skatten ikkje i noko år aukast med meir enn kr 1 for kvart kr 1.000. Skatten kan likevel aukast med kr 3 for kvart kr 1.000 for huslause grunneigedomar. Skatten kan aukast med kr 2 for kvart kr 1.000 for eigedomar som nemnde i § 12 bokstav a same år som kommunen innfører botnfrådrag² i eigedomsskatten. Skattøyret kan ikkje aukast same år som botnfrådrag fell bort. Derimot kan eigedomsskatten setjast ned til dei nemnde minstegrensene frå eit år til det neste utan omsyn til kor høg skattesatsen er frå før.

Ved første gongs utskriving på bustader og fritidsbustader som følgje av overgang til nytt utskrivingsalternativ skal skatten for slik eigedom vere kr 1 for kvart kr 1000 av takstverdet. Reglane i første leden andre punktum flg. gjeld tilsvarende.

Får ein kommune nye grenser, skal reglane i første leden ikkje vera til hinder for at det på eigedomar i område som kjem med i kommunen, vert skrive ut eigedomsskatt etter same satsar som før utvidinga.

0 Endra med lover 5 feb 1993 nr. 28, 16 juni 2006 nr. 25 (f o m skatteåret 2007), 17 juni 2016 nr. 35 (ikr. 1 jan 2017). Vert endra med lov 19 des 2017 nr. 118 (med virkning frå skatteåret 2019).

1 Sjå § 30.

² **Merknad:** [Må bli endret til «kr 1» - i tråd med endringen i § 13](#)

Vedlegg 3 til KSEs veileder om nye regler i eiendomsskatteloven fra januar 2019

2 Jf. § 11 (2).

5. kapitlet. - Utskriving av skatten.

§ 14. Eiedomsskattekontoret¹ skriv ut eiedomsskatten.

Skatten skal så langt råd er, vera utskriven før 1 mars i skatteåret.¹ Første året kommunen nyttar botnfrådrag i eiedomsskatten² er det likevel tilstrekkeleg at skatten så langt råd er, vert utskriven før 1. april i skatteåret. Første året det vert skriva ut eiedomsskatt i ein kommune, må allmenn taksering og utskriving vere avslutta innan utgangen av juni i dette året. Dette gjeld likevel ikkje for moglege overtakstar.

Kvar skattesum skal rundast av nedover til næraste heile krone.

Vert skatten for ein eiedom mindre enn kr. 50, skal det ikkje skrivast ut skatt.

Samstundes med at skattelista vert utlagd (sjå § 15), skal det sendast skattesetel til eigaren (skattyaren).

0 Endra med lover 5 feb 1993 nr. 28, 22 juni 2012 nr. 44 (f o m skatteåret 2013).

1 Sjå § 1 (3).

2 Jf. § 11 (2).

§ 15. Eiedomsskattekontoret¹ fører ei eiedomsskattelegging (hovudliste) der alle skattlagde faste eiedomar i kommunen vert førde opp, og like eins verdet deira. I lista skal og stå kva for skattesatsar som er nytta og kor stor den utskriva skatten for kvar eiedom er. I ei tilleggsliste skal dei eiedomane førast opp som er fritekne for eiedomsskatt.² Eiedom med både skattlagd del og friteken del førast med kvar sin respektive del i dei to listene.

Eiedomsskattelegginga skal liggja ute til offentleg gjennomsyn i minst 3 veker etter at det er kunngjort at lista er lagd ut.

Avskrift av skattelegginga vert sendt kommunekasseraren og kommuneettersynet.

0 Endra med lov 7 des 2012 nr. 73 (f o m skatteåret 2013).

1 Sjå § 1 (3).

2 Jf. §§ 5-7.

§ 16. (Oppheva med lov 22 juni 2012 nr. 44 (f o m skatteåret 2013).)

§ 17. Er det i strid med føresegnene i denne lova ikkje skriva ut eiedomsskatt, eller er det skriva ut feil skatt, kan utskrivinga rettast i samsvar med dei skattesatsane og reglane som galdt for vedkomande år.

Når eiedomsskatt ikkje er skriven ut, eller er skriven ut med for låg sum av di taksten er feil, kan utskrivinga rettast berre så langt det følgjer av dei allmenne fristane i denne føresegna. Taksten kan likevel rettast for seinare skatteår utan omsyn til desse fristane.

Retten til å retta utskrivinga slik at det går ut over eigaren (skattyaren), er spilt om retten ikkje vert nytta innan 1. mars året etter utskrivinga. Har feilen samanheng med at eigaren har brote plikta til å gje opplysningar eller medverke til synfaring etter § 31, kan utskrivinga likevel rettast innan 3 år frå utgangen av skatteåret. Det same gjeld dersom det er skriva ut eiedomsskatt i strid med føresegnene i denne lova, eller det er skriva ut for høg skatt.

Når taksten byggjer på verdet som er satt ved fastsetjinga av formues- og inntektsskatt, skal utskrivinga rettast berre så langt fastsetjinga vert brigda etter skatteforvaltningsloven¹ § 9-4, kapittel 12 eller kapittel 13. Fristane for retting etter skatteforvaltningsloven § 12-6 gjeld då tilsvarande for eiedomsskatten.

0 Endra med lover 13 juni 1980 nr. 25, 22 juni 2012 nr. 44 som endra med lov 7 des 2012 nr. 79 (f o m skatteåret 2013), 27 mai 2016 nr. 14 (ikr. 1 jan 2017 iflg. res. 27 mai 2016 nr. 531).

Vedlegg 3 til KSEs veileder om nye regler i eiendomsskatteloven fra januar 2019

1 Lov 27 mai 2016 nr. 14.

§ 18. Skattekontoret¹ skal gjeva eiendomsskattekontoret² alle opplysningar det ligg inne med og som trengst til utskriving av eiendomsskatten.³

0 Ikr. 1 jan 2001 med verknad for anlegg for produksjon av elektrisk kraft iflg. res. 17 juli 1998 nr. 613 med endringar 16 okt 1998 nr. 955, 1 des 2000 nr. 1195, 30 nov 2001 nr. 1320 og 27 juni 2003 nr. 799. Sjå § 33. Ikr. 27 sep 2013 med verknad for boliger som verdsettes etter § 8C iflg. res. 27 sep 2013 nr. 1142. Endra med lov 29 juni 2007 nr. 50 (ikr. 1 jan 2008 iflg. res. 7 des 2007 nr. 1370).

1 Jf. sktfvl. § 2-1.

2 Jf. § 1 (3) og § 14.

3 Jf. sktfvl. § 3-3 (1), a.

6. kapitlet. - Administrativ¹ og rettsleg prøving.

1 Jf. § 31.

§ 19.¹ Skattytaren kan klage på den utskrivne eiendomsskatten. Klaga må gjevast inn skriftleg til eiendomsskattekontoret² innan seks veker frå det seinaste tidspunktet av den dagen det vart kunngjort at eiendomsskattelista var utlagd³ eller dagen skattesetelen vart sendt i samsvar med § 14. Klage over verdet kan bli fremja kvart år i samband med den årlege utskrivinga av eiendomsskatt,⁴ dersom det ikkje er klaga på same grunnlag tidlegare år.

For anlegg for produksjon av elektrisk kraft⁵ og bustader som vert verdsette etter § 8 C, kan klaga ikkje gjelda det verdet som er sett på eigedomen ved fastsetjinga av formues- og inntektsskatt, jf. skatteforvaltningsloven⁶ § 13-2 fjerde ledd.

Er eigedomen bortleigd og skal leigaren svara eiendomsskatten, har leigaren likevel høve til å klaga over det verdet som ligg til grunn for eiendomsskatten.⁷ Klaga må vera sett fram for skattekontoret,⁸ innan fristen som er nemnd i første leden. Avgjerd i klagesaka får verknad også for formueslikninga åt eigaren.⁹

0 Endra med lover 29 juni 2007 nr. 50 (ikr. 1 jan 2008 iflg. res. 7 des 2007 nr. 1370), 22 juni 2012 nr. 44 (f o m skatteåret 2013), 7 des 2012 nr. 73 (f o m skatteåret 2014), 27 mai 2016 nr. 14 (ikr. 1 jan 2017 iflg. res. 27 mai 2016 nr. 531).

1 Sjå § 33 (2).

2 Sjå § 1 (3).

3 Jf. § 15.

4 Jf. kap. 5.

5 Jf. § 8 B.

6 Lov 27 mai 2016 nr. 14.

7 Jf. § 33.

8 Sjå sktfvl. § 2-1.

9 Siste punktum er truleg ein inkurie, for den samme ordninga av verdsetjingane som var føresetnaden, er ikkje gjort.

§ 20. Klage vert avgjort av ei nemnd som kommunestyret vel, dersom ikkje kommunen tar klagen til følgje. Kommunestyret kan anten opprette ei eiga nemnd til å ta seg av oppgåvene eller leggje oppgåvene til ei anna kommunal nemnd.¹

0 Endra med lover 5 juni 1987 nr. 25, 22 juni 2012 nr. 44 (f o m skatteåret 2013).

1 Jf. lov 25 sep 1992 nr. 107 § 10. Sml. fvl. § 28 (2).

§ 21.¹ Medlem i formannskapet kan ikkje vere med i eiendomsskattenemnder.

Vedlegg 3 til KSEs veileder om nye regler i eiendomsskatteloven fra januar 2019

0 Endra med lover 13 juni 1980 nr. 25, 5 juni 1987 nr. 25, 29 juni 2007 nr. 81 (ikr. 1 jan 2008 iflg. res. 23 nov 2007 nr. 1287), 22 juni 2012 nr. 44 (f o m skatteåret 2013).

1 Sjå § 33.

§ 22. (Oppheva med lov 22 juni 2012 nr. 44 (f o m skatteåret 2013).)

§ 23. Føresegnene i skatteforvaltningsloven¹ § 15-4 første ledd og § 15-6 første og andre ledd og skattebetalingsloven² § 17-1 fjerde og femte ledd gjeld på tilsvarande vis for søksmål og tvistar for tingretten i sak om tvangsfullføring og mellombels sikring om eigedomsskatt. Kommunen er part i saker om eigedomsskatt.

Fristane i førre leden gjeld tilsvarande for kommunen. Kommunen må rette søksmål mot leiaren av klagenemnda.³ Skattytaren skal varslast om søksmålet.

0 Endra med lover 20 des 1993 nr. 133, 30 aug 2002 nr. 67 (ikr. 1 jan 2003 iflg. res. 30 aug 2002 nr. 938), 17 juni 2005 nr. 67 (ikr. 1 jan 2009 iflg. res. 21 des 2007 nr. 1616), 22 juni 2012 nr. 44 (f o m skatteåret 2013), 27 mai 2016 nr. 14 (ikr. 1 jan 2017 iflg. res. 27 mai 2016 nr. 531).

1 Lov 27 mai 2016 nr. 14.

2 Lov 17 juni 2005 nr. 67.

3 Sml. sktfvl. § 15-3 (3).

7. kapitlet. - Oppgjerd og innkrevjing.

§ 24. Eigedomsskatten skal svarast til skatteinnkrevjaren¹ i den kommunen der skatten er utskriven.²

1 Sml. sktbl. § 2-1.

2 Jf. § 14.

§ 25. Eigedomsskatten skal ytast i terminar så som kommunestyret fastset.

Skatteinnkrevjaren¹ kan i særlege høve gjeva utsetjing.

Eigedomsskatten skal ytast til fastsett tid og med dei summene som først er fastsette, endå om det er sendt inn klage over utskrivinga² eller utskrivingsgrunnlaget,³ eller dei står under prøving for ein klageinstans eller domstolane.⁴

1 Sml. sktbl. § 2-1.

2 Sjå § 19.

3 Sjå § 8.

4 Sml. sktbl. § 10-1.

§ 26. Av eigedomsskatt som ikkje er oppgjord seinast rette betalingsdagen, eller vert betalt attende, skal det svarast rente i samsvar med reglar som departementet gjev.

0 Endra med lover 12 juni 1987 nr. 42, 21 des 1990 nr. 64, 20 des 2016 nr. 107.

§ 27. Forfalt eigedomsskatt er sikra med lovpant i eigedomen etter pantelova¹ § 6-1. Kravet er også tvangsgrunnlag for utlegg.² Eigedomsskatten kan krevjast inn av kommunekasseraren etter reglane for innkrevjing av skatt.³

0 Endra med lover 8 feb 1980 nr. 2, 26 juni 1992 nr. 86, 17 juni 2005 nr. 67 (ikr. 1 jan 2009 iflg. res. 21 des 2007 nr. 1616).

1 Lov 8 feb 1980 nr. 2.

Vedlegg 3 til KSEs veileder om nye regler i eiendomsskatteloven fra januar 2019

2 Jf. tvangsl. § 7-2, e.

3 Sjå sktbl.

8. kapitlet. - Ymse føresegner.

§ 28. Gjer særlege grunnar at det kom til å verta sær urimeleg om heile eigedomsskatten vart innkravd, kan skatten setjast ned eller ettergjevast av formannskapet.¹

0 Endra med lover 17 juni 2005 nr. 67 (ikr. 1 jan 2009 iflg. res. 21 des 2007 nr. 1616), 19 juni 2009 nr. 51.

1 Sml. sktbl. kap. 15.

§ 29. Forvaltningslova¹ gjeld for førehaving av eigedomsskattesaker med dei særskilde reglane som er gitt i denne lova.

Reglane i skatteforvaltningsloven² kapittel 3 om teieplikt gjeld på tilsvarande måte for tenestemenn og nemndmedlemmer som er med på å skriva ut eigedomsskatt i staden for reglane om teieplikt i forvaltningslova.¹

Forvaltningslova¹ § 11 d andre ledd andre punktum gjeld ikkje for tenestemenn som tar del i synfaring i samband med taksering.

Forvaltningslova¹ § 24 gjeld ikkje for den årlege utskrivinga av eigedomsskatt.

Forvaltningslova¹ § 25 gjeld ikkje for vedtak om takst eller overtakst. I staden for gjeld eit krav om stutt grunngeving for avgjerda.

Spørsmålet om dekning av sakskostnader blir avgjort av eigedomsskattekontoret når klagenemnda har endra eit vedtak til gunst for skattytar. Avgjerda kan klagast inn for klagenemnda.

0 Endra med lover 13 juni 1980 nr. 25, 22 juni 2012 nr. 44 (f o m skatteåret 2013), 27 mai 2016 nr. 14 (ikr. 1 jan 2017 iflg. res. 27 mai 2016 nr. 531).

1 Lov 10 feb 1967.

2 Lov 27 mai 2016 nr. 14.

§ 30. Reglane i § 13 er ikkje til hinder for at det i eigedomsskatt vert utskrive minst det same som sist vart utskrive etter reglane i landskattelova.¹

For Det Kongelege Myntverket skal eigedomsskatten kvart år vera kr. 20.000.

1 Lov 18 aug 1911 nr. 8 (opph.).

§ 31. Plikt til å gje opplysningar og medverke til synfaring

(1) Eigedomsskattekontoret¹ kan påleggje eigaren (skattytaren) å gje særskilde opplysningar som trengst til utskriving av eigedomsskatten.

(2) Eigar (skattytar) og brukar av ein eigedom har plikt til å medverke til synfaring av eigedomen ved taksering etter § 8 A-3.

(3) Eigedomsskattekontoret kan setje frist for å gje opplysningar eller yte medverknad etter nr. 1 og nr. 2. Fristen skal ikkje vere kortare enn fire veker.

(4) Ved brot på pliktene etter nr. 1 eller nr. 2 kan eigedomsskattekontoret påleggje eigaren (skattytar) forseinkingsavgift. Avgifta vert sett på grunnlag av eigedomens skattegrunnlag. Avgifta skal vere:

a. 0,5 promille av skattegrunnlaget når forseinkinga ikkje er over ein månad,

b. 1 promille av skattegrunnlaget når forseinkinga er over ein månad.

Vedlegg 3 til KSEs veileder om nye regler i eiendomsskatteloven fra januar 2019

Avgifta skal ikkje vere lågare enn 200 kroner, og skal når forseinkinga ikkje er over to månader, ikkje vere over 10 000 kroner. Avgifta skal gå til kommunen. Avgift skal ikkje påleggjast når fristoversitjinga er unnskyldelig på grunn av sjukdom, alderdom, manglande røynsle eller annan grunn.

(5) Eigedomsskattekontoret eller dei som utfører takseringa for kommunen, har rett til å ta fotografi av eigedomen til bruk for takseringa.

0 Endra med lov 22 juni 2012 nr. 44 (f o m skatteåret 2013).

1 Jf. § 1 (3).

§ 32. Vedkomande departement kan gjeva reglar til utfylling og gjennomføring av lova og fastsetja skjema og liknande som departementet meiner trengst.

§ 33. Denne lova, bortsett frå §§ 8, 9, 17 andre leden, og 18-22 tek til å gjelda 1 januar 1976 og får verknad første gongen ved utlikning- og utrekning av eigedomsskatt for skatteåret 1976. Frå same tid held § 6 i lov frå 11 juli 1947 nr. 8 og lov frå 4 mars 1960 om tillegg til skattelovene for landet og byane frå 18 august 1911 opp å gjelda, sjå likevel andre leden.

§§ 8, 9, 17 andre leden, og 18-22 i denne lova tek til å gjelda frå den tid¹ som vert fastsett av Kongen.

0 Endra med lover 16 des 1977 nr. 93, 14 des 2007 nr. 101, 22 juni 2012 nr. 44 (f o m skatteåret 2013).

1 Frå 1 jan 2001 med verknad for anlegg for produksjon av elektrisk kraft, iflg. res. 17 juli 1998 nr. 613 med endringar 16 okt 1998 nr. 955, 1 des 2000 nr. 1195, 30 nov 2001 nr. 1320 og 27 juni 2003 nr. 799. Etter seinare endringar av desse lovføresegnene er dei no alle ikr. utan atterhald, fråsett §§ 8 og 22, som er oppheva, og § 19 (3) første og tredje punktum.